

Mein von Gott verliene Kunst mit mehrerm vorthail.

Nimb fünff Pfund Saturnum/laß ihn auff dem Test (der vast wol kan daruon gezogen werden) den H treiben / vnd setz darein ein Pfund Kupffer mit Sulphur verbrennt / weil es auff dem Test treibt / so werffe man immer ein wenig Q vnd Sulphur jedes gleich vil / vnder einander gestossen / darauff / wann es dann gar in Test geschlossen ist / das geschicht vngesehr in vier stunden / so laß den Test kalt werden / vnd zerstoß ihn gar / das geschicht vngesehr in 8. stunden / wann er zerstoßen ist / so misch nach dem Augenmaß 2. mal so viel gemein Saltz darunder / vnd ein wenig Kolen / wie Haselnuß / thue es in ein Kolben / vñ laß im Windofen schmelzen / dz die Glette vnd Q wider ein geschmeidiger König werden / das geschicht auch vngesehr in drey stunden / was am Gewicht abgehet / das muß man hernach auff dem Test wider mit frischem Saturno vnd Venere, nach erster Præparierung / ersetze / vnd mag in 14. tagen sein vollkommenheit bekommen / vnd auff der meiste so man das Berck grösser eynsetzt / da doch der vnkosten nit 100. Gulden seyn soll / dz man ihm noch 14. tag zugebē vnd darmit auff 1000. Gulden gewinnen solle : will man aber lauter Saturnū an Kupffer auff den Test setzen / so gibt der Saturnus ein zimlichen theil Silber / wann es sieben mal auff obgeschriebene weiß gradiert ist / nemblich daß er durch sieben Test kompt / welcher Test vngesehr den fünfften oder sechsten theil seyn mag.

Ein anderer Proceß / gehet etwas geschwinder zu als der ander.

Nim nimb fünff Pfund Silberglete / vnd ein Pfund verbrennt Kupffer mit Sulphur / alles klein gestossen / misch darunder halb so viel oder etwas mehr / gemein Saltz / laß auff einem Treibscherbē gehen / demnach nimb Sulphur / Q / vnd gemein Saltz / jedes gleich viel / mischs vnder einander / wirff vngesehr ein Stund daruon / auff die geflossene Materij / auff dem Scherz